



Bentiaraq Ottosen

UPA 2026/90-1

Atassut

3. Juni 2026

EMRIP-imit inassuteqaatit naapertorlugit, Kalaallit Nunaanni nunap inoqqaavi "Inuit" paasissutissat tunngavigalugit nalunaarsorneqartalernissaannik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Pele Broberg, Naleraq)

Atassutip tunngaviumik politikikkut kiffaangissuseq inunnik tamanit pigineqartoq upperaa, inuit tatiginartuupput. Kinaassuserli neqitsersuutaannaassanngilaq naalagaaffinngorniaannarluni isumernermi, taamaattumik Atassummiit oqartarpugut "allat nuna nammineertoq eqqartorpaat, Atassummiit inuk nammineertoq sukataarutigivarput".

Ukiorpassuarni pisortaniit annertuumik isumalluuteqarluta, inuiattullu sernissugaalluta nukillaarsagaajuarsimavugut, kiffaangissusiagaajuarsimallutalu. Tulluusimaarutigisariaqarparput immikkut tamatta napatissinnaassuseqarnerput, immitsinnullu nammineq pilersorsinnaanerput.

Atassutip pilerneraniilli inoqatitsinnut ataqqinninneq pingaartipparput, Naleraq aamma Demokraatit piulinngikkallarmatalli. Kiffaangissuseqarpugut, imaangilarli nunatta nunanut allanut pituttoqaannavittutut inisisimanissaa eqqartortuaannaripput. Taamaattoqanngilarli, nunatsinni inuit nallinnartutut isigissanngilagut, nukittuuttut sapinngitsutut imminnullu pilersorsinnaasutut isigaagut.

Atassut tassaangilaq oqaatsinik kusanartuinnarnik iluareqqusaartunillu neriorsuisoq, politikikkut kinaasuseq eqqartorneqaleraangat inuiaqatigiit akeqqersimaarnitsik takutillugu tikkuartuilertarput. Tamanna akuersaarneqarsinnaanngilaq.

Atassummi pilersitsisusoq Lars Chemnitz qanga Inuit Issittormiut Kattuffiata pilersinneqarnissaannut siuttut ilagisimavaat, tamannalu ulloq manna tikillugu Atassummit sulii tapersersugaraarput.

Uanili isumaqarpugut, suliat ingerlareersut eqqarsaatigalugit sulii annertuumik nalilersugassaqarluta, pingaaruteqarmat inuiaqatigiit kalaallit ullumikkut Nunap inuviisut inissisimanerini suut nukittoqutaanersut sanngeequtaanersullu qulakkeerniarluaqqarneqartariaqartut, taamaattumik una siunnersuut taamatut isikkoqartillugu itigartinneqarnissaat Atassummit innersuussutigissavarput.